

## Die vorred




**D**u geh seiner sele  
 rat. der dis büch  
 getiche hat. **W**et  
 vō Repchau sein  
 pflege vnser frau  
 Das der seins lo-  
 nes warte in des  
 hymels garte. Des bitten all gen got  
 michael sey 8 bot. Das er sein sel weis  
 in das sion paradys. Mit den gerech-  
 ten ewigleiche in gott seyir freud rei-  
 che. Vnd beschliesse yn darein. das er  
 ein sin gottes milig sein. Seyt sein ge-  
 naden sind so reine. den von franco-  
 steine. Tu yn deiner seligen genos. vñ  
 sez yn in abrahams schof. Wan von  
 seiner bet geschehen ist. das man dises  
 büch teusch list. Set got an mich gele-  
 get kunst vnd weysheit. der ich leider  
 one byn. so wolt ich geren meinen syn.  
 Mit fleissedar ankeren herren Ecken  
 wort meren. Von den gnaden gottes  
 vnd sein. so ist dis büch worden mein.  
 Nun weis ich nit sprechen mee. got ge-  
 be das mein will er gee. Das sein gros-  
 se weisheit. die got an yn hat gleit. Zu  
 seiner massen kummen. bede zu genad-  
 en vud zu stummen.

**Cronica de tempore  
 creationis mundi.**

**U**on der welt begynne. bis an  
 die wasserflusse. das Noe die  
 archen bauwete in Armenia.  
 waren tausent vnd sechshundert iar  
 vnd sibenzig. vnd der volieffen sy or-  
 denlich zwey tausent iare. bis auff die  
 sintflus. als vñ die römisch cronica  
 aus weiset von der wasserflus bis an  
 der sprachen zweyunge waren tau-  
 sent iar vnd sibenzig vnd zwintzig iare.  
 Vnd von der sprachen zweyunge bis  
 an abrahams geburt waren zweihun-  
 dert vnd ein iare. In der zeite was ein  
 künig vō Babilō des ye das erst reich

## Das ii blat

was. der hief **Nyinus**. der bat ein rye  
 bedie hief **Sennanus**. die vand das  
 leinen kleid vñ gewand. vnd die rye  
 he do die mann ir scham mit bedecken.  
 vō desselben künigs begynn bis an ab-  
 rahams waren vierundvierzig iar.  
 Nach dem künig ward **Brothus** ro-  
 mul edler vater. do abrahā ward alt  
 fünff hundert iar. do gelobet got seine  
 geschlechte das lannd zu iherusalem.  
 Vnd das iar heyst das iar des gelüb-  
 tes. nach den alten rechtbüchern. Vō  
 dem iar des gelübts über vierhundert  
 iar vñ dreissig iar empfieng künig sal-  
 manasar das künigreich zu samaria.  
 Vnd do ward den iriden die ee gegeb-  
 en. In dem vierzigsten tag als sy vō  
 egypten fürrent von der ee gebung über  
 er dreihundert iar vnd sibenzig war-  
 de Troya zerstört. Von troya zerstör-  
 ung bis an die zeit das Salomon den  
 tempel bauwete waren hundert iare.  
 vnd einundsechzig iar. Von des tem-  
 pels widerbauung bis zu roma be-  
 gynne waren zweihundert iar vnd  
 sechzig iar. Zu der selben zeit empfieng  
 künig Salomon do das künigreich  
 zu samaria. Von roma begynn bis an  
 des tempels erstörung waren hun-  
 dert iar vñ zweihundert vñ sibenzig iar. dar-  
 nach über sibenzig iar lief künig dari-  
 us den tempel wider bauwen. Dar-  
 nach über neunzig iar ward Babilō  
 niā zerstört. von des tempels wider-  
 bauung bis an gottes geburt waren  
 fünff hundert iar vñ neunzig iar. **No-  
 ta.** Ir sollent eigentlich wissen dise zal  
 zünernehmen. Von der welt begynne  
 bis auff die sintflus waren zweitaus-  
 sent iar. Von der sintflus bis an roma  
 begynne waren zweitausent iar vnd  
 vierhundert iar vnd achtundachtzig  
 iar. Von Troya zerstörung bis das  
 Salomon den tempel bauwete wa-  
 rent zweihundert iare. Von des tem-

*Sennanus.**Abrahamus.**Troya**Salomonus*

a ij